



MEMORIA XUSTIFICATIVA E ECONÓMICA DO CONVENIO DE COLABORACIÓN ENTRE A AXENCIA PARA A MODERNIZACIÓN TECNOLÓXICA DE GALICIA E O CONSELLO DE CONTAS DE GALICIA PARA A COMPARTICIÓN DE INFRAESTRUTURAS TECNOLÓXICAS E SERVIZOS COMÚNS PARA A PRESTACIÓN DE SERVIZOS DIXITAIS.

Antecedentes

A Axencia para a Modernización Tecnolóxica de Galicia (Amtega) é unha axencia pública autonómica adscrita á Presidencia da Xunta de Galicia que ten como obxectivos básicos a definición, o desenvolvemento e a execución dos instrumentos da política da Xunta no ámbito das tecnoloxías da información e comunicacións, a innovación e o desenvolvemento tecnolóxico. Entre as competencias e funcións desta axencia figuran por a disposición da cidadanía e das empresas de Galicia contidos e servizos públicos dixitais avanzados, transformar, mediante un uso axeitado das TIC, a Administración pública autonómica, coa finalidade de mellorar a calidade de prestación dos servizos públicos, e impulsar o uso dos servizos TIC por parte das empresas galegas, polo que debe desenvolver actuacións encamiñadas ao logro de ditos obxectivos. Así mesmo, a Axencia para a Modernización Tecnolóxica de Galicia (AMTEGA) é a responsable dos contidos e dos servizos comúns, da xestión tecnolóxica e da continuidade, a accesibilidade e a seguridade da Sede electrónica da Xunta de Galicia, regulada pola da lei 4/2019, do 17 de xullo, de administración dixital de Galicia.

O Consello de Contas de Galicia é un órgano estatutario creado polo artigo 53.2 do Estatuto de Autonomía de Galicia, que, segundo dispón o artigo 1º da Lei 6/1985, do 24 de xuño, reguladora da Institución, exerce a fiscalización externa das contas e da xestión económico-financeira e contable, en relación coa execución dos programas de ingresos e gastos do sector público da Comunidade Autónoma, asesorando ao Parlamento de Galicia en materia económico-financeira. Así mesmo, como sinala o artigo 5º bis da citada Lei 6/1985, exerce competencias en materia de prevención da corrupción.

Pola súa banda, o artigo 3º da Lei reguladora atribúelle competencia para todo o concernente ao goberno e réxime interior do Consello do persoal ao seu servizo.

No desenvolvemento das súas funcións relaciónase fundamentalmente coas entidades que compoñen o sector público, pero tamén se relaciona con persoas físicas e xurídicas de carácter privado, cando exerce as súas competencias administrativas de xestión ou





cando facilita o exercicio dos dereitos dos cidadáns en relación coas institucións públicas.

Neste senso, para dar cumprimento á obriga legal de relacionarse coas entidades públicas ou cos cidadáns por medios electrónicos, precisa dispoñer de aplicacións e sistemas informáticos.

A Lei 4/2019, de 17 de xullo, de administración dixital de Galicia, regula no seu artigo 118 o catálogo dos sistemas dixitais, no que se recollerán as aplicacións, os sistemas de información e as infraestruturas tecnolóxicas que utilizan ou se poñen a dispor dos órganos e entidades do sector público autonómico para o seu funcionamento interno, para a prestación de servizos á cidadanía e para a relación con outras administracións. No artigo 129 desta mesma disposición normativa, regulase a posta a dispor dos elementos do catálogo de sistemas dixitais que pola súa situación tecnolóxica ou características funcionais

Asemade, a Lei 14/2013, do 26 de decembro, de racionalización do sector público autonómico de Galicia, sinala que a contratación centralizada efectuarase a través do departamento que acorde o Consello da Xunta de Galicia por proposta da comisión interdepartamental regulada no seu artigo 20. Asemade, o artigo 20.5 da lei permite que as entidades locais, as universidades e os restantes entes, organismos e entidades do sector público poidan adherirse ao sistema autonómico de prestacións homologadas de contratación centralizada mediante os oportunos convenios de colaboración. A relación de subministracións, obras, servizos e outras prestacións, que serán susceptibles de contratación centralizada fíxose pública a través da Resolución do 17 de novembro de 2014, da Secretaría Xeral Técnica da Consellería de Presidencia, Administracións Públicas e Xustiza, pola que se ordena a publicación do Acordo do Consello da Xunta do 18 de setembro de 2014 polo que se aproba o Catálogo de medios e prestacións susceptible de autoprovisión e se toma razón das subministracións, obras, servizos e calquera outra prestación susceptible de contratación centralizada (DOG Núm. 7 do 13 de xaneiro de 2015). En particular, o Anexo II recolle os supostos nos que a AMTEGA pode actuar como departamento da contratación centralizada.

Razóns de oportunidade e obxectivos perseguidos

A Amtega e o Consello de Contas de Galicia, para garantir o mellor servizo aos intereses xerais, pretenden a formalización dun convenio de colaboración no desenvolvemento das tarefas de interese público que lles corresponden, cada un actuando no marco das súas competencias.

O Consello de Contas de Galicia, require a colaboración e asistencia instrumental da Amtega mediante a prestación por esta do acceso aos elementos do Catálogo de





sistemas dixitais a disposición dos órganos e entidades do sector público autonómico e das administracións públicas ubicadas no territorio galego e os elementos tecnolóxicos necesarios para o funcionamento dixital e, asemade, a adhesión ao sistema autonómico de prestacións homologadas de contratación centralizada.

A Amtega, de acordo coa normativa expresada, ten competencia para esta colaboración e apoio instrumental ao Consello de Contas de Galicia.

Financiamento.

As actuacións previstas no Convenio non xerarán custos nin darán lugar a contraprestacións financeiras entre as partes.

Santiago de Compostela

O Xerente

Jose Luis Somoza Digón.

